

Broj: 101- 12509/22 HH  
Zenica, 07.09.2022. godine

Na osnovu člana 69., stav 2., tačka (d), člana 70., stav 1.,4., i 6. Zakona o javnim nabavkama („Službeni glasnik BiH“, broj 39/14), na Preporuku Komisije za nabavku broj: 501- 12507-1/22 HH od 07.09.2022. godine, a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

## **ODLUKU**

### **o poništenju postupka za nabavku**

I  
Poništava se postupak javne nabavke za nabavku lične i zaštitne opreme, LOT 3 – sredstva i oprema za zaštitu ruku, glave, očiju i lica, sluha i organa za disanje iz razloga što nijedna dostavljena ponuda nije prihvatljiva za ugovorni organ - član 69., stav 2., tačka (d) Zakona o javnim nabavkama.

II  
Za izvršenje ove Odluke zadužuje se Komisija za nabavke.

III  
Ova Odluka objavit će se na web-stranici <http://www.vikze.ba/>, shodno članu 70., stav (6) Zakona o javnim nabavkama.

### **Obrazloženje**

Postupak javne nabavke pokrenut je Odlukom o pokretanju postupka javne nabavke broj: 101-9275/22 BS od 28.06.2022. godine i Odluka o izmjeni odluke o pokretanju postupka javne nabavke broj:101-11099/22 BS od 05.08.2022. Javna nabavka je provedena putem otvorenog postupka sa zaključivanjem okvirnog sporazuma na period od 36 mjeseci.

Procijenjena vrijednost javne nabavke za nabavku lične i zaštitne opreme LOT 3- sredstva i oprema za zaštitu ruku, glave, očiju i lica, sluha i organa za disanje bez uračunatog PDV-a je 16.500,00 KM.

Dana 29.06.2022. godine na Portalu javnih nabavki, istovremeno sa objavljivanjem Obavještenja o nabavci broj: 439-1-1-292-3-57/22 objavljena je i tenderska dokumentacija.

Dana 08.08.2022. godine na Portalu javnih nabavki istovremeno sa objavljivanjem ispravke Obavještenja o nabavci broj: 439-1-1-292-8-76/22 objavljena je i ispravke tenderske dokumentacije.

Poziv za preuzimanje tenderske dokumentacije broj: 406-9275-2/21 BS od 29.06.2022. godine upućen je sljedećim ponuđačima:

1. INTER – COM d.o.o. Zenica
2. KOTEKS d.o.o. Tešanj
3. RM COMPANY d.o.o. Zenica

U prilogu se dostavlja Izvještaj o preuzimanju tenderske dokumentacije od strane ponuđača preuzet sa portala javnih nabavki dana 06.09.2022. godine u 10:48 sati.

Rok za dostavljanje ponuda je bio 15.08.2022. godine do 11:00 sati.

U prethodno navedenom roku, na protokolu JP „Vodovod i kanalizacija“ d.o.o. Zenica zaprimljene su dvije ponude u zatvorenoj kovrti, i to:

1. RM COMPANY d.o.o. Zenica
2. MAX TRGOVINE d.o.o. Zenica

Komisija za nabavku imenovana je Odlukom broj: 101-4913/22 BS od 30.03.2022. godine.

U postupku, prema Zapisniku o ocjeni ponuda, utvrđeno je da je Komisija za nabavku blagovremeno i pravilno sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 2 (dvije),

- da je blagovremeno zaprimljeno 2 (dvije) ponude,
- da nema neblagovremeno zaprimljenih ponuda,
- ukupno 10 (deset) ponuđača je preuzelo Tendersku dokumentaciju i Ispravku tenderske dokumentacije sa Portala javnih nabavki.

Komisija za nabavku je dana 07.09.2022. godine direktoru preduzeća dostavila Zapisnik o ocjeni ponuda broj: 501- 12508/22 HH od 07.09.2022. godine sa preporukom o poništenju postupka.

Uvidom u priloženu dokumentaciju otvorenog postupka broj: 406-11099-3/22 BS od 05.08.2022. godine – Nabavka lične i zaštitne opreme, LOT 3 – sredstva i oprema za zaštitu ruku, glave, očiju i lica, sluha i organa za disanje , a tokom preliminarnog pregleda i ocjene prispjelih ponuda, Komisija po članu 66. Zakona o javnim nabavkama ("Sl. glasnik BiH", broj: 39/14), i članu 17. Uputstva za pripremu modela tenderske dokumentacije i ponuda ("Sl. glasnik BiH", broj: 90/14), nije našla osnovan razlog da izrazi sumnju da je cijena dostavljene ponude bilo koje ponuđača neprirodno niska.

Dana 18.08.2022. godine ugovorni organ je dopisom broj: 501-10483-1/22 BS ponuđaču RM COMPANY d.o.o. Zenica uputio zahtjev za prihvatanje ispravke računске greške obzirom da je Komisija konstatovala računsku grešku i to za ukupnu vrijednost ponude te da ista iznosi 16.713,30 KM bez PDV-a.

Dana 19.08.2022. godine ponuđač RM COMPANY d.o.o. Zenica je dostavio izjavu o prihvatanju ispravke računске greške koja je kod ugovornog organa protokolisana pod brojem: 501-11691/22.

Ponuda ponuđača RM COMPANY d.o.o. Zenica prelazi procjenjenu vrijednost nabavke.

Ponuđač RM Company d.o.o. Zenica u dostavljenom uzorku za kožne rukavice nema potrenan dokaz da je uzorak ispitan u akreditovanoj laboratoriji. Dostavio je i fabričke certifikate na kojima ne stoji za koji postupak je namjenjen. Traženo je da na izvještajima obavezno treba da je naglašen broj i naziv postupka. Iz gore navedenih razloga ponuda ponuđača RM COMPANY d.o.o. Zenica se odbacuje u skladu sa članom 68., stav 4., tačka (i) i (j) Zakona o javnim nabavkama BiH.

Ponuđač MAX TRGOVINE d.o.o. Zenica u original dokumentaciji nisu dostavljeni original izvještaji laboratorijske analize, važeće izvještaje vizuelne kontrole gotovih proizvoda, a u kopiji su dostavljene njihove kopije. Iz gore navedenih razloga ponuda ponuđača MAX TRGOVINE d.o.o. Zenica se odbacuje u skladu sa članom 68., stav 4., tačka (i) Zakona o javnim nabavkama BiH.

Polazeći od navedenih konstatacija, a uzimajući u obzir da zaprimljene ponude nisu prihvatljive za ugovorni organ (član 68., stav (4), tačka (i) ZJN), Komisija za nabavku je dala preporuku da se predmetni postupak poništi u skladu sa članom 69., stav (2), tačka (d) Zakona o javnim nabavkama.

U postupku ocjene provedenog postupka direktor preduzeća nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za nabavku. Iz navedenih razloga, primjenom člana 69., stav 2., tačka (d) Zakona o javnim nabavkama, odlučeno je kao u dispozitivu.

#### **POUKA O PRAVNOM LIJEKU:**

Protiv ove Odluke može se izjaviti žalba, najkasnije u roku od 10 (deset) dana od dana prijema Odluke.



Direktor:

*Emir Pasalić*  
Pasalić Emir, dipl.ing.građ.

#### **DOSTAVLJENO:**

- 1 x Direktor preduzeća
- 1 x Pom.dir.za ekon.postl.
- 1 x Pom.dir.za tehn.postl.
- 1 x Pom.dir.za razvoj i invest.
- 1 x Komercijalna služba
- 1 x Služba sigurnosti, ZNR, ZOP i ZŽO
- 3 x Članovima Komisije
- 1 x Sekretar Komisije
- 1 x a/a